

Kinandi - Erilama Amasako - Salvation Scriptures

Abanya Efeso 2:2 Oko mugulu oyo mwabya mukalendera omo nzira nyibi y'ekihugo kino; mwabya mūkowa omūtabalī w'obūtokī b'obwami bw'ekyanya. Naye nī kīrīmū ekikasondola abandu abatīowa Nyamuhanga.

Matayo 6:10 Obwamr bwawe bwase. Erisonda lyawe liyirawe, Omo kihugo ngoko liri omo lubula.

Lūka 22:42 ati, Tata, wamanza ūnyīlūsaye kw'olūtehī olū. Nīkwa erisonda lyawe, butsira eryage lyo likolawe.

Yoane 16:7-9 Ngababwira omwatsi w'ekwenene nyiti, Lyowene busana nenyū inagenda, kusangwa namatendigenda, Omūwatīkyā isiendisyabahīkako. Nīkwa namagenda nasyabatumiraye. 8 Naye asyabya asa, asyasīnga ekihugo busana n'ebibi, kandi busana n'omwatsi w'ebitunganene, kandi busana n'omwatsi w'eritswera lya Nyamuhanga. 9 Asyasīngabo omo mwatsi w'ebibi, kusangwa sībalīnyīkīrīraya. 10 Kandi asyasīngakyo busana n'eritunganene, kusangwa ngaya uku Tata, nenyū imutaswanyilolako.

2 Tīmoteo 2:10 Kandi busana n'omwatsi oyū, ngayīyīnaya omo byosī busana n'abandu abayisogawa na Nyamuhanga, nabo batoke eribana erilama lya Kristo Yesu, haguma n'olukengerwa Iw'ekota.

Abanya Roma 15:20,21 Litya nyinemusonda erītūla Engulu Yowene aho Kristo ate ahulirwa, ūsīnangahīmba oko kibanza ky'ogundi mundu. 21 Ngoko kīsakīre kiti, Abatetabwirwa engulu yiwe, basyalangira, N'abandu abate bowa, basyaminya.

Emībīrī Y'Abakwenda 2:36,37 Neryo abandu bosī ba ūsrēlī baminye ndeke ngoko Nyamuhanga abiriyira Yesu oyo mwabamba oko musalaba, mo Mukama na Kristo. 37 Neryo omugulu abandu bowa ebī, mobabya n'obūlīge bunene, mobabwira Petero n'abandi bakwenda batī, Balīkyetu, tuyire tuti kwehī?

AbaEbrania 4:2 Kusangwa Engulu Yowene moyatūhīkako ngoko yahīka kubo; nīkwa ekinywa ekyo bowa mokitetawatīkyabo kusangwa mobagana erīkīrīryakyo.

Yeremīa 24:7 - Matayo 22:37 Neryo Yesu mwamubwira ati, Wanze Omukama Nyamuhanga wawe n'omutima wawe gosī, n'ekīrīmū kyawe kyosī n'obūlengekanīa bwawe bosī.

Emībīrī Y'Abakwenda 16:14 Neryo omūkalī muguma oyo wabya akahulikirira, abyā Lūdīa w'omūyī w'eTuatira. Naye abyā mūtūndī w'esyongimba sy'engula. Abyā mūkalī oyūkaramaya Nyamuhaga, neryo Omukama mwamwībūkyā omo mutima wuwe erīowa emyatsi eyo Paūlo abūga.

Matayo 13:14-16 Kandi busana nabo eriminerera lya ūsaya likabererera, liti, Mwasyasiba mūkowa, nīkwa simwendisyaminya; Kandi mwasyasiba mūkalebya, nīkwa simwendisyalangira; 15 Kusangwa emitima y'abandu aba yabiribya m'obūtowa, Kandi sībalīowa ndeke omo matwī wabo, Kandi babīrīrība ameso wabo; Bakasyalangira omo meso wabo, N'erīowa omo matwī wabo, N'eriminya omo mitima yabo n'eriswanyibindukira, Nyamuhanga atya, Nage ūnalamyabo. 16 Nīkwa obutseme buli oko meso wenyū, kusangwa mukalangira, n'obutseme buli oko matwī wenyū, kusangwa mūkowa.

Īsaya 6:9,10 - Emībīrī Y'Abakwenda 28:27 Kusangwa omutima w'abandu aba abiribya omo būtowa, Babirihoma amatwī wabo okw'owa, Kandi babīrīrība ameso wabo, Bakasyalangira n'ameso wabo, N'erīowa omo matwī wabo, N'eriminya omo mitima yabo, n'erinyibindukira, Nyamuhanga atya, Nage īnalamyabo.

Marīko 4:11,12 Yesu mwasūbīryabo ati, īnywe mwabirihabwa eriminya erīkūmbo ly'Obwami bwa Nyamuhanga, nīkwa abandi, abate netu, bakowa emyatsi yosī mo mīsyo. 12 Litya, Ibatoka erilangira, nīkwa sībalangīre, Ibatoka erīowa kandi, n'erīowa sibaminye, Bakayabindukira Nyamuhanga, Naye iniabuyirabo.

Yoane 12:39,40 Busana n'omwatsi oyū, mobatatoka erīkīrīya, kusangwa īsaya mwaswabūga ati, 40 Nyamuhanga abīrīrība ameso wabo, Abīrīkalya emitima yabo, Ameso wabo syalangire, N'emitima yabo siyiminye, Kandi sibabinduke, Nage, ngalamyabo.

Abanya Roma 11:7,8 Ko byabere biti kwehī? Abaīsraelī mobatabana ekīo babya bakasonda. Nīkwa abake abayisogawa mobabanakyo N'abandi emitima yabo moyakala. 8 Ngoko kīsakīre kiti, Nyamuhanga mwahabo ekīrīmū ky'eritendiminya kindu, Ameso wabo sialilangira, n'amatwī wabo sīalīowa, ko bane batya erīhīka na mūnabwīre,

2 Abanya Tesalonīka 2:10,11 Kandi asyakola omo mīsīndo yosī y'eriteba nabi busana n'abakandisyahera. Nabo basyahera kusangwa mobatangirira kutse erianza ekwenene, eyangaleka ībalamībwa. 11 Busana n'omwatsi oyū, Nyamuhanga akatumirabo eriteba erīkalīre, erikaleka ībīkīrīya eby'amabehī.

Matayo 13:18-23 Neryo mowe omūsyo w'omūbībī. 19 Omugulu omundu akowa ekīnywa ky'Obwami, isialiminyakyo, ali ng'embuto eyatogera oko mūsīke w'enzira. Omubi akasa īnīapūra ekyabibawa omo mutima wuwe. 20 Embuto e yabibawa omo kitaka ky'amabwe yo mundu oyūkowa ekīnywa, neryo-neryo akangirirakyo n'obutseme. 21 Nīkwa ekīnywa ekīo sikiribya omwisi wuwe. Embuto eyabibawa omo kitaka byamo katambī kake. Neryo omugulu obūlīge, kutse erīendererya bīkahīka busana n'ekīnywa ekīo, akatswa lūba. 22 N'embuto eyabibawa omo mahwa yo mundu oyūkowa ekīnywa, n'amagalī w'ekihugo, n'amatebo w'ebindu bīkakūsaya ekīnywa, ikitasohola. 23 N'embuto eyabibawa omo kitaka kyowene, yo mundu oyūkowa ekīnywa akaminyakyo; yo yūkeraya embuto eyo, eyindi mbuto īgana, eyindi amakūmī ndatu, n'eyindi amakūmī asatu.

2 Abanya Korīnto 3:15,16 Kandi mūnabwīre omugulu bakasoma ekitabu kya Musa, ekitambara ekīo kikaswika amalengekama wabo. 16 Nīkwa kīsakīre kiti, Akakimba ka Musa mokalūsībwaho omugulu abya akabindukira Omukama.

Hosea 11:3-7 - Matayo 11:28-30 Mwase ūkw'īngye, īnywe bosī ko mukanuba n'eriheka ebīrītohīre, ngandibalūhūkyā. 29 Mwīmaye engomo yage, muhekeyo, mwigire ūkw'īngye, kusangwa indi molo-molo n'ow'omutima ahehere; neniyū mwasyabana eriluhuka omo mitima yenyū. 30 Kusangwa engomo yage ni nyibuya, n'omuheke wage angūhīrīre.

Emībīrī Y'Abakwenda 26:18 Ūkandīsyalībūla ameso wabo, ibatoka eribinduka erīlūa omo mwīrīmya n'eribindukira ekyakakala, n'eribinduka erīlūa oko butabale

bw'eSatanī n'eribindukira Nyamuhanga. Neryo busana n'erīnyīkīrīrya babane eribuyirwa ly'ebibi, kandi babane omwanya omo katīkatī k'abandu abo Nyamuhanga abiriyisoga, n'abo abirihigula.

2 Tīmoteo 2:24-26 Kandi omugombe w'Omukama siatolere erinegena, nīkwa abyē mubuya oko bosī, abyē oyo wasī erīkangīrīrya, iniakayibombeka omugulu akakolawa nabi. 25 Kandi ahehere omugulu akakunga abakalwa naye. Mbino Nyamuhanga asyahabo eribindula emitima yabo erireka ebibi, n'eriminya omwatsi w'ekwenene. 26 Neryo basyaswabana obūlengekanīa bowene n'eribala ekitego kya Dīabolo, oyukahambabo busana n'erikola erisonda lyayo.

Erībīsūlīrwa 3:17-19 Kusangwa ūkabūga uti, Nyiwite ebindu, nabiribya muteke, sihali ekoy ngabula. Sīwasī k'uli muhanya, n'ow'obūlīge, n'omwera, n'endīmatīme n'endūmbū. 18 Neryo ngakuhana ungleko esyamagetsi, esyabīrīlabībwa omo muliro, iwatoka eribya muteke. Ugule nibya esyongimba nyeru-nyeru, iwatoka eriambalasyo, n'esīsonī sy'endūmbū yawe isitaminyikala. Kandi ugule amagūta w'ameso aw'erīsīgīsa omo meso wawe, iwatoka erilangira. 19 Ngakunga n'erisuyira abosī abo nyanzīre. Neryo ubye n'omūhwa, ubindule omutima wawe erireka ebibi.

2 Abanya Korīnto 7:10 Kusangwa obūlīge obo Nyamuhanga akalīga busana netu bukaleta eribindula omutima, n'eribana erilama eritawite eriswatsomana. Nīkwa obūlīge bw'ekihugo bukaleta oluholo.

1 W'Abami 18:37 - God turned heart back to God

2 Abanya Korīnto 4:4 Sībalīkīrīraya kusangwa nyamuhanga mubi w'ekihugo kino abīrīrība ameso w'obūlengekanīa bwabo ati sibalangire ekyakakala ky'Engulu Yowene ey'olukengerwa Iwa Kristo, oyuli kīsosekanīo kya Nyamuhanga.

Lūka 8:11-15 Nīkwa enzumwa y'omūsyo yeyī: embuto kye kīnywa kya Nyamuhanga. 12 Esyombuto esyatogera oko mūsīke w'enzira ni bandu abakowa; nīkwa Satanī yīkahīka n'erīlūsyo omwatsi g'omo mitima yabo, ibatatoka erīkīrīrya n'erīlamībwa. 13 Esyombuto esyatogera oko kitaka ky'amabwe ba bandu abakowa ekīnywa n'eriangirirakyo n'obutseme. Nīkwa ekīnywa ekoy sikiribana emīrīhī; bakīkīrīraya katambī kake, neryo oko mugulu w'erirengwako, bakatswa. 14 N'esyombuto esyatogera omo mahwa ni bandu abakowa; nīkwa amaganīryo n'ebindu n'erīyītsemesya ly'engebe y'eno, bīkakūsaya ekīnywa ekoy, neryo ikitera ndeke. 15 Esyombuto esyatogera oko kitaka kyowene ba bandu abakowa ekīnywa ekoy omo mutima ogowene w'ekwenene, ibakahambakyo ndeke omo mutima, neryo ibakahatikana, n'erīrya esyombuto sy'ekīnywa kya Nyamuhanga.

Emībīrī Y'Abakwenda 15:11 Nīkwa ītwe tūkīkīrīraya tuti tūkalamībawa omo lukogo Iw'Omukama Yesu, ngoko nabo bakalamībawa.

Abanya Roma 8:13 Kusangwa mwamakwama obūlengekanīa bw'omubiri mwasyahola; nīkwa omo maka w'Omūlīmū mwamīta emikolere y'omubiri, mwasyabyaho.